

Sakspapir

Saksbehandlar	Arkiv	ArkivsakID
Kari Anne Iversen	FE - 512	16/1306

Saksnr	Utvalg	Type	Dato
53/2016	Formannskapet	PS	18.05.2016

Tariffevisjonen per 01.05.16 - uravrøysting

Vedlegg:

A-rundskriv A1-16

Saksopplysningar:

Bakgrunn

Kommunen har per 12.05.16 motteke A-rundskriv A/1-2016 som gjeld uravrøysting ved tariffevisjonen per 01.05.16. KS og forhandlingssamanslutningane har kome fram til ei eit tilrådd framlegg til ny hovudtariffavtale. Hovudstyret i KS har tilrådd medlemmane å røyste ja i uravrøystinga.

Godkjenning av A-rundskriv om tariffoppgjer er ikkje delegert til rådmannen, men krev politisk vedtak. Fordi slike vedtak må gjerast innan ein gitt frist, har praksis vore at saka har vore lagt fram anten for formannskapet eller kommunestyret. Svarfrist ved årets oppgjer er i A-rundskrivet sett til 30.05.16 kl. 12.00 og saka må difor denne gongen behandlast i formannskapet.

Sentrale element i oppgjeret:

- Lønsoppgjeret er framforhandla innan ei økonomisk ramme på 2,4%.
- Det er ikkje sett av midlar til lokale forhandlingar i 2016.
- Tilsette med stilling i HTA kap. 4 vert gitt sentralt årslønsstillegg. Tillegget varierer avhengig av ansiennitet og stillingsgruppe.
- Tilsette i leiarstillingar i kap. 4 får eit lønstillegg på 2,4%.
- Lønsgarantiordninga etter 20 års ansiennitet som var knytta til G-regulering utgår. Ny garantiordning på 16-årstrinnet er innført og denne skal regulerast av partane.
- Det er avtalt sentrale tillegg for 2017. Berekna årslønsvekstramme er om lag 2,2% Det skal setjast av midlar av denne ramma til lokale forhandlingar.
- Pensjon: Det er gjort enkelte endringar utan materielt innhald. Partane har i fellesskap skildra eit utfordringsbilete for framtidig pensjonsordninga i kommunal sektor og er samde om kva pensjonsordninga bør bidra til.

Vurdering

Administrasjonen meiner at det framforhandla resultatet er godt og den økonomiske ramma er forsvarleg.

Folkehelse: Ikkje Relevant i saka.

Miljø: Ikkje relevant i saka.

Økonomi: Den økonomiske ramma på 2,4% ligg innanfor det som er lagt til grunn i budsjettet for 2016.

Konklusjon

Administrasjonen vil tilrå at formannskapet følgjer tilrådinga frå KS og seier ja ved uravrøystinga.

Framlegg til vedtak:

«Meland kommune røystar JA ved uravrøystinga om tariffrevisjonen per 01.05.16»

Formannskapet - 53/2016

FS - behandling:

FS - vedtak:

«Meland kommune røystar JA ved uravrøystinga om tariffrevisjonen per 01.05.16.»